

Band XI., Nr. 5494, Seite 412-413

*Ludwig der Alte von Heimberg und seine Frau Elsbeth kaufen von dem
Johanniterspital in Hall ein Haus in Heimbach und stiften damit ihr
Seelgeräte.*

Heimbach, 1300. Juli 10.

Wir Lüdewik der alte von Heineberc unde frowe Elsebeth unser eliche wirtin tûn kûnt allen den die disen brief ansehen oder hõren lesen, daz wir ein hûs haben koift ûmbe vierdehalb phûnt Heller, daz lit zû Heinebach¹ bi der mûln uff der herren eigen von dem spital zû Halle, daz sollen wir haben biz an unser beider tot, unde sollen den herren von Örengaw da von geben vûnf Schillinge Heller alle jar an sante Martins tage. Teden wir des nit, so were den herren von dem spital daz selbe hûs ledik worden von ûns. Wir han in öch gelobt, daz wir oder die lûte, die von unsern wegen in deme selben hûse sint, sõliche wandelûnge sollent drinne haben, der in an der mûln kein schade si, were daz wir des nit enteden, so wer in aber daz hûs ledik worden von ûns. Wir han öch den vor genanten herren von dem spital unser reht an deme selben hûs nach unser beider tode geben lûterliche dÛrch got zû eime selgerete, dÛrch daz sie ûnser iemerme gedenken und ûnsern herren vÛr ûns biten also sie tûnt vÛr die irm orden wol tûnt und ir almÛsen gebent. Daz diz allez stete belibe als ez hie vor geschriben ist, dar ûmbe han wir Lüdewik der alte von Heineberc den herren von dem spital zû Halle disen brief geben besigelt mit ûnserme ingesigel.

 Diz geschach zû Heinebach vor der kirchen, in deme jare do von gotes gebÛrte waren tÛsent und driu hÛndert jar, an deme sunnentage vor sante Margarethen tage. An diseme gedinge waren vil erberre lûte, die ez sahen unde horten, brÛder Erbe von RÛmersheim der commendur von Halle, brÛder Bertholt von Hechingin der pherrer von Affoltrach², Ludewik des alten sÛn von Heineberc und Heinrich sin veter, meister Heinrich der smit von Affoltrach unde CÛlink des graven kneht von Lewenstein und ander ersamer lûte vil, die da bi waren.

Textabdruck folgt dem Original.

 Das abhangend befestigt gewesene Siegel fehlt.

¹Unterheimbach.

²Von hier an andere Hand und andere Tinte.

Überlieferung und Publikationen

Lagerort:

HStA Stuttgart

Signatur/Titel des Originals:

B 352 U 59

Überlieferung und Textkritik:

Im Kopialbuch HStA Stuttgart H 14 Nr. 156, fol. 68b, Nr. 78.

Weitere Angaben

Sprache:

Deutsch

Ausstellungsort:

Heimbach

Aussteller:

Ludwig; von Heimberg, der Alte Elsbeth; Frau Ludwigs von Heimberg

Ortsindex:

Affaltrach Wohnplatz (2302)
 Affaltrach, Obersulm, HN
 Hechingen Wohnplatz (16424)
 Hechingen, BL
 Löwenstein Wohnplatz (2065)
 Löwenstein, HN
 Rumersheim-le-Haut, Dep. Haut-Rhin, Frankreich
 Schwäbisch Hall Wohnplatz (3361)
 Schwäbisch Hall, SHA
 Unterheimbach : Bretzfeld KÜN
 Unterheimbach Wohnplatz (2361)
 Unterheimbach, Bretzfeld, KÜN
 Öhringen Wohnplatz (2576)
 Öhringen, KÜN